



**giz** Deutsche Gesellschaft  
für Internationale  
Zusammenarbeit (GIZ) GmbH



## JAVNI POZIV ZA UČEŠĆE U PROGRAMU PODRŠKE RAZVOJU BIZNISA

Lokalno partnerstvo za razvoj poduzetništva Travnik u saradnji sa BeeZone biznis inkubatorom Centra za edukaciju mladih poziva sve zainteresirane mlade osobe koje žele pokrenuti vlastiti biznis da se prijave za učešće u **programu podrške razvoju poduzetništva** koji se provodi u okviru **EU4Business programa – za konkurentnu i inovativnu domaću ekonomiju**, kojeg finansira **Evropska unija u vrijednosti od 15 miliona eura**, a realizuju ga GIZ, UNDP i MOR.

Općina Travnik, Regionalna razvojna agencija za regiju Centralna BiH, Služba za zapošljavanje SBK/KSB, Centar za edukaciju mladih Travnik, Sveučilište/Univerzitet "Vitez" i Nobil d.o.o. Nova Bila realizuju projekt **TREIN – Mreža poduzetništva i inovacija Travnik** koji se provodi u okviru EU4Business programa i čijom realizacijom se očekuje unapređenje kapaciteta najmanje **100 osoba** za poslovno planiranje kao i **20 funkcionalnih novoregistrovanih biznisa**.

**Pravo na učešće** u programu podrške razvoja poslovnih ideja **imaju punoljetne osobe do 35 godina starosti** koje žele pokrenuti vlastiti biznis na teritoriji općine Travnik uz finansijsku i savjetodavnu podršku BeeZone biznis inkubatora ili novoregistrovani biznisi na teritoriji općine Travnik, koji su registrovani u toku 2020. godine a čiji je rani stadij razvoja ugrožen pandemijom COVID-19.

Poželjno je da kandidati imaju:

- Visok nivo motivacije za pokretanje samostalnog biznisa
- Obrazovanje za iste ili slične poslove ako se isti zahtijevaju u procesu registracije biznisa
- Radno iskustvo na istim ili sličnim poslovima
- Sposobnost analitičkog razmišljanja i definisanja jasne poslovne ideje

Osobe zainteresirane za razvoj poslovne ideje i pokretanje vlastitog biznisa, mogu se prijaviti putem **Obrasca za sudjelovanje u programu, najkasnije do 15.7.2020. godine**. Obrazac možete preuzeti na **beezone.ba** ili direktno u prostorijama BeeZone Inkubatora.

Kandidati čija aplikacija zadovolji kriterije Komisije za procjenu poslovnih ideja dobit će priliku za pokretanje biznisa uz savjetodavnu i finansijsku podršku BeeZone Inkubatora.

**Savjetodavna podrška** će u prvoj fazi biti omogućena za 100 kandidata, koji su na bazi vlastitih poslovnih ideja, odabrani sa sudjelovanju u programu podrške pod nazivom „Pokreni svoj biznis“. Tokom 6 sedmica, kandidati će imati priliku da usvoje nova znanja za razvoj poslovne ideje i objedinjavanje poslovnog plana. Edukacijski program će obuhvatiti sljedeće teme: Plan poslovanja, konsolidovanje poslovne ideje, marketing plan, zapošljavanje, organizacija i upravljanje, nabavka, utvrđivanje troškova proizvoda i usluga, finansijsko planiranje, početni kapital i dorada poslovnog plana.



**giz** Deutsche Gesellschaft  
für Internationale  
Zusammenarbeit (GIZ) GmbH



**Finansijska podrška** u iznosu **do 10.865 KM** bit će omogućena za 20 najbolje ocjenjenih poslovnih planova. Sredstva iz finansijske podrške se mogu iskoristiti za financiranje troškova registracije biznisa, doprinosa u toku prvih 6 mjeseci, nabavku osnovnih radnih sredstava i operativne troškove biznisa.

Uslov za korištenje bespovratnih sredstava je registracija biznisa na teritoriji općine Travnik isključivo u skladu sa poslovnim planom na osnovu kojeg je podrška dodijeljena.

**Drugi nivo savjetodavne podrške** biće omogućen za 20 kandidata, autora najbolje ocjenjenih poslovnih planova. Ovaj paket podrške podrazumijeva kontinuiranu saradnju sa kandidatima i savjete prilikom registracije i daljeg razvoja biznisa.

Svi kandidati će tokom obuke biti detaljno informisani o kriterijima za ocjenu kvaliteta poslovnog plana u skladu sa *Pravilnikom o kriterijima za odabir korisnika i načinu pružanja podrške za početak i razvoj poslovanja u BeeZone biznis inkubatoru* dostupnim na web siteu [beezone.ba](http://beezone.ba).

Aplikacija mora biti podnesena na jednom od službenih jezika BiH putem emaila: **beezone@cem.ba**, poštom preporučeno ili dostaviti na ruke direktno u prostorije BeeZone biznis inkubatora, na adresu:

**BeeZone biznis inkubator**  
**Centar za edukaciju mladih**  
**Bosanska 131, 72270 Travnik**  
**Sa naznakom: „Prijedlog poslovne ideje“**

**Rok za podnošenje prijava je 20.7.2020. u 16:00.** Nepotpune i neblagovremene prijave neće biti uzete u razmatranje.

Nakon što Komisija primi i analizira potrebnu dokumentaciju, aplikanti će biti informirani o ishodu evaluacije i dalnjim koracima.

**Za dodatne informacije kontaktirajte nas:**

Telefon: +387 30 511 565

email: [beezone@cem.ba](mailto:beezone@cem.ba)

web: [www.cem.ba](http://www.cem.ba) i [www.beezone.ba](http://www.beezone.ba)